

青芙蓉閣詩鈔

青芙蓉閣詩鈔卷五

桐鄉 陸元鋈 三石

銅山行

惟金三品一曰銅四百六十山崇嶺南番色青滇
色白出蜀者赤光熊熊辨銅官廢許民采爭思驅
石煩神工靈苗既得寶氣出

產銅處每
先有銅苗

怯膽變勇生

歡襟廣招砂丁逾萬指

入山采銅者
謂之砂丁

但有少壯無耆

童踐蛇衝虎莽呼喝山鬼彳亍逃無蹤初猶登登
事鋏鍤片片削落青芙蓉披荒鑿險漸幽峭沉沉
深黑成控纜取精在骨不在肉不入其穴難爲功

瓦燈熒熒承以頂，輓轆繾繾達泉三。重螺旋蟻折窵，
而曲踏著卽是稜稜峯。千搜萬索日剝削，菁華漸
竭根虛空。砉然崩奔石怒落，疾雷破壁驚魂從。有
時潛蛟忽起舞，失脚遽逐奔流衝。亦有毒淫積肝
膈，出竇便已無人容。罡風一吹頓僵仆，窮山乾死
隨飛蓬。以身試險險難測，性命往往輕沙蟲。我聞
邛笮古荒土，作息今已多。耕農爾食爾，力樂終歲
何爲入坎忘。終凶利市三倍已，太苦況有大賈專。
其雄山靈呵護物，力足滿阡滿谷高垣墉。厚輪大
郭裕鼓鑄，贏餘例給商流通。公然捆載出關市，作

姦那免無欺蒙長江鼓櫂達吳楚利與鹽鐵同豐
隆牙籌算密日益富拍張欲傲多牛翁可憐砂丁
出死力赤手依舊爲人傭人生豐嗇要有數神不
福汝徒忡忡紫標紅榜亦易散猗頓或與黔婁同
不見黃頭郎爲漢大中銅山不救饑時窮

寧遠雜詠四首

山連六詔迴崔嵬風土蠻鄉亦怪哉陰日披裘晴
衣裕上方積雪下聞雷刀耕地向雲中闢索度人
疑域外來說與吳儂渾未信荷花時節柏樽開

二十四日吳人謂之荷花
生日番俗以是日爲元旦

黑羅羅與白羅羅荒徼人逾九姓多

寧遠所轄諸番土司五十餘處

冰

雪爲家寒抱犬髑骸行酒醉橫戈未妨幕府開譙

國

土司歿後其子年未及歲卽以其妻代司厥職

莫倚蠻天抗伏波好語西南諸

部落白狼今已入聲歌

五方叢處雜薰蕕一傳何堪衆楚咻巫鬼婆娑能

療疾媿徒睚眦易成讐訟多半自爭桑起

外來客民俱以開種

荒山爲業每因爭地評訟不休

事急先爲築室謀

客民有雨不相下之事先質之客長如不能剖決則訴之於官

好片銅山生計足幾人肯憶舊林邱

山多產銅客民每以采銅致富

飲水誰居廉讓間啞羊瘖虎共癡頑

地有啞泉

醱醱開

後春餘閏

氣候最早冬月間已桃李滿山矣

鸚鵡飛來語帶蠻

地產鸚鵡蟲

是化生多在樹

蠟蟲生於冬青樹於夏至前采取

馬非汗血憤登山

建昌

馬最善

新詞偏向弓衣織羨煞都官得句閒

閩中鄭慎人有會川

竹枝詞最善漢風土最詳

聽訟

手批口荅兩無妨聽訟還應智畧長媿我未能諳
吏治與民仍似話家常生非木石終能格訴到飢
寒亦可傷若早撫摩如父母髮膚誰肯自摧殘

懷了學博

元采

江草江花異地看爭如苜蓿上闌干才人接跡今
餘幾

謂汪雲壑陳遠山兩同年

宦海無波只此官老我頭銜猶外

吏與君情話記長安鴛鴦湖水鱗鱗碧何日相從
下釣竿

夏日曉起

夜短亦無寐朧朧窻月明迎涼先鳥起倚樹看雲
生竹徑露光溼石闌桐韻清巴蟬似疎磬幽絕不
聞聲

寄兒瀚

我生歲庚午子月時在卯汝於甲午生竊比驥子
小憶汝生之初台山雪皓皓墮地暗無聲膚冰舌
如橋我母夜數起解衣熨懷抱戢戢生意回幸免

作魚羹我父喜添丁焚香叩蒼昊名汝曰蘭階期
汝非小草汝兄時二齡眉目更清皎綠憲語啁啾
得汝如雙鳥豈知不二年汝兄以痘歿汝母抱汝
泣鴈行奪何早復弄汝笑啼以慰堂上老逾年汝
妹生乳名曰純葆我時正北歸解鞍苦熱惱汝方
戲庭中呼殿學驟篠見耶欲卻避旋來膝前繞我
母指汝言阿蘭頗不佻之無識旣多點畫亦了了
未幾汝母病望秋竟先槁猶憶綿悒時伏枕語悽
悄謂我懷中兒阿純髮未燥阿蘭甫五齡時猶覓
梨棗我死諒無苦所苦累翁媪自從汝母歿汝身

子然藐我復因微名奔走若輿阜賴有大父母恩
深自襁褓飼汝以甘脆褻汝以綾繚汝有小疾苦
醫來繼以禱辛勤十餘年元髮爲汝縞汝祖繼遷
官輾轅路修渺汝往侍官齋書林事幽討我時司
禮曹畫諾日紛攬頻年接父書不以家事擾說汝
語特詳曰頗知愛好近來學爲文亦漸知頭腦繼
復聞汝婚有婦潔蘋藻又聞汝妹賢明慧而靜窈
閨房鍼黹餘觀書目光瞭丁郎青雲姿昨與訂蘿
薦婚嫁事漸畢樂事信非眇豈知大父母心血耗
不少此汝有生來一一汝宜曉更有汝未知因端

以及杪峩峩雷州公我之高祖考乞郡至監司遺
澤遍窮島我祖稱象賢治行亦矯矯晚年賦歸田
囊空復甑倒汝祖迫飢驅襍被走燕趙是時汝大
母持家釜難罄窮搜嫁時箱典質罄裙襖我時作
蒙師村童拉雜勸農家無兼味日惟菜根齧迨汝
祖入官全家得漸飽翻疑此數年何以免餓莩此
苦汝未嘗爲汝垂涕道今我守西川一官侶蠻獠
穴居數萬戶其氣頗輕慄邊防苟不慎卽恐肆牙
爪更苦蜀道難家書經歲杳骨肉尚輕離焉能撫
億兆側身望天末憂心怒如擣喜汝祖康強歸思

已浩浩傲居金閭門水鄉足魚稻金閭我舊遊習
俗尚儂巧汝今蝨其間令名慎自保我馬齒已衰
駑駘異驟裏期汝汗血駒躡跡青雲表

癸亥十二月二十日營葬事於琴字圩禮成

志感二首

此別真泉下重逢到死知已無爲子日還憶倚閭
時眠食更番囑音書遠道馳當歸空自寄餘恨十
年遲

祿及親何在生還我幸存長教守廬墓無補侍晨
昏風木悲今日門庭仗後昆善人天與福冬盡亦

春溫

是日天氣晴和

長歌題陳生

玉符

遺照

太平之世無神仙，生老病死全其天。讀書不識忠孝字，羅縷道妙皆空言。吾鄉有陳生，少卽離塵緣。雙瞳翦水瘦兩顴，籜冠芒屨儻儻然。見者謂抱九仙骨，乘躡應上蓬萊巔。一朝遽徂，謝呵壁羣稱寃。吾謂生也，至性耿不滅，死無中壽其天年。昔生髫齡卽喪母，至今茵席留餘潛。天乎更奪兄弟樂，淚痕血點紛漣漣。前年阿父病且亟，生也徬徨牀榻。晝夜無甘眠，竊聞刲股能療疾。姑試其術，祈安全。

是時月黑人語寂抽刀入室光騰旋若然忘痛且
快意鬼膽驚破奔而顛作羨進父病立起精誠竟
荷皇天憐跡雖近愚志則苦愚不可及何譏焉今
生已死朽宜速不朽自有青瑤編生孝行已
載府志當時若
早如呂奘拂衣逕入王屋山是爲忘親語亦醜豈
容舐鼎垂腥涎從來仙道皆鬼道五千言亦非真
詮生於瀨鄉葬槐里老聃墓草猶芊芊生也力行
庸德豈惑此死則死耳碧落同黃泉闔風元圃卽
有此仙境魂兮歸來只在白髮親庭前

坐小舟至近村

一雨釣船活春江綠始波過橋鳴溜急到岸落花
多水暖宜鰕菜門閒繞薜蘿幽居何用卜卽此是
槃邁

題丁上舍

元康

春郊試馬圖

小寒食過天氣晴春風絲絲春鳥鳴鳴桃蒸紅柳
搓碧踏花香騎驕無聲珊瑚鞭拗折足遊興誰歟愛
馬如支遁球場裙幄嬾招攜獨向平原賞神俊從
來神物超塵埃幾人能識真龍媒豈無金韉與珠
勒肯受羈勒皆凡才渥洼天馬世已少況從畫裏
索驥裏經營慘澹總失真縱有驂駟筆誰掃此馬

無乃爲鐵驄非照夜白非奔虹旋風一圍控無著
墨花怒捲秋雲空驍騰如此得未有惜不縱獵南
山口霜蹄滅沒歛欲飛想見驚颿逐電走我昔走
馬騰脂坡美人酌我金叵羅興酣忽作天外想西
行萬里逾岷峨蜀山荒荒斷舟楫日騎健馬縛袴
褊只今歸臥又三年髀肉潛生苦疲茶畫圖入手
神飛揚空堂倏忽來風霜急揮寒具進臘釀夜雨
恰喜鳴糟牀糟牀酒熟且須住九十日春不可駐
青絲絡馬爲君歌慎勿搖鞭背花去

題天冰冰山錄

嚴分宜籍
沒遺冊

紫標紅榜盡銷亡，雀鮮胡椒也計贓。可惜蘭亭八
千匣，不曾畱貯半閒堂。

老依墓舍苦伶俜，回首歡場涕淚零。猶勝東明禪
寺裏，一棺無主太師青。

晚宿臨平

江鄉不知暑日夕，卽如秋山月靜依。樹水風涼到
舟岸，迴漁火出市近。客帆收舊宅，平泉在蕭蕭起。

暮愁

故相孫文靖
公舊居於此

鮑丈

廷博

以汪水雲集見貽卽題其後四首

天水黯然碧，飄零戎馬中。酒人燕市去，詩史杜陵

同許劍謝舉羽投書王鼎翁匹夫多就義相望哭

秋風

痛絕降王表僉名謝道清河山無半壁魂夢是歸
程幸免青衣辱能完白首貞君王不重色別館月
分明

亦有文丞相拘囚歷苦辛抱琴時獨往流涕向孤
臣老作幽州客生同汐社民快心柴市日親見上
星辰

去國十三載將歸倍慘然相看如隔世此別卽重
泉已盡故人酒難回彭蠡舡長畱詩卷在泣血錄

同編

題達摩渡江圖

拔扈利水阿耨山金天之西非人間優曇花開佛
示現彼用彼法安枯禪自從莊嚴事象教誇雄闢
靡紛囂喧福田廣種佛歡喜能回白日光幽泉遂
令膜唄及老幼鉢緣欲破羣生慳西來尊者具慧
力火中爲拔青青蓮直云功德此何有當頭棒喝
驚愚頑是雖禪宗異儒行苦心救世同悃悃維時
蕭梁築淮堰爲魚百萬遭顛連殘民若此尚佞佛
得不掉首行飄然洛中亦豈駐錫地三花少室將

終焉闡明正法各有得可知面壁非忘言此圖如
出道子手風貌尚想遊梁年高顧廣額目深炯佛
光湧現兜羅綿冰夷前塹蛟鰐偕一杖劃破蒼浪
天山河大地莽回首濛濛一氣烟非烟懸崖撒手
渺然去去來倏忽俱隨緣我於禪理了無悟閉門
却埽差安便人天妙相昔未見展圖睇視心生虔
作詩呈佛笑擲筆天風颯颯江濤寒

題夏雨村春樹碧雲樓圖

樹擁重樓綠正勻卷簾盡日對鑪熏二分是水宜
添竹百里無山不礙雲地僻門常停鶴舫身閒夢

亦狎鷗羣桐溪一曲明於畫弭棹何時訪隱君

北行述感

甲子秋九月陸子治行裝云將別鄉里去謁銓曹
邛人生要有別安得輪蹄方顧我久頽廢無乃不
自量養堂況岑寂祿及無耶娘奉檄復何樂回首
增哀傷憶昔歲丁未隨官方遊梁計偕迫歲暮刺
促行程忙阿耶念行路爲兒籌車航阿娘憫旅食
爲兒備餼糧開樽話深夜愛至言彌詳首言慎餐
宿次言安行藏成名戒苟得飭躬期無荒切切遲
暮語明明燈燭光傷心別晷速遺恨終天長微名

雖忝竊八載違高堂嵩洛幸非遠尺書時寄將一
麾悔出守叱馭馳蠻羌連年苦兵革殺氣愁雲黃
秦蜀數千里嚙人多豺狼迎養旣不忍乞歸猶未
遑忽忽又七載父諱聞西昌西昌路修阻苴杖行
踉蹌私念老母在子聯殊未央冬初發蜀舸舂仲
歸吳檣入門聞慟哭母又先兒亡哀哉一年內兩
遭親闈喪殮含旣不視結想終微茫夢中偶一見
色笑猶如常安知別已久不更鬚眉蒼如疑復如
慕負土慙瀧岡悠悠幾霜露倏又祥琴張飢寒苦
相逼驅人離故鄉窮秋朔風厲木落天蒼涼晨興

戒徒御獵獵吹衣裳老妻嬾梳櫛臥病猶在牀有
兒與鄉薦昨歸自餘杭有女兩已嫁咸來奉壺觴
諸孫不解別時亦依我旁揮之去不忍竚立中徬
徨乃知兒女私同此縈肝腸昔我別父母一別逾
十霜想當憶兒日老淚時汪汪感茲離別苦還念
門閭望

別先人墓下作

到此得無淚況當離別時何年重展拜願我亦衰
遲已失承歡樂空餘誓墓悲得歸營丙舍魂魄冀
相隨

舟中與三弟 元筭 話舊二首

乞外原非策何堪白髮翁
關河千里別兄弟一樽
同旅話宜長夜勞生信轉蓬
雨聲聽蕭瑟差比屋
西東

憶昔攝提歲先公賦北征
殘年正風雪孤權出江

城

壬寅冬先人需次北上元鉉送至許墅而別迄今已二十餘稔矣

此別悲遲暮重來隔死生

前塵還語汝涕淚各沾纓

渡江感舊

樽酒蓬窗夜未眠
感深今昔倍淒然
荒江又聽三

更雨孤宦曾歸萬里船

壬戌春歸自西川泊此三日

依舊盟心如此

水再來問渡是何年
雪泥鴻爪尋無跡
添得霜痕著鬢邊

揚州與馮編修

集梧

話別卽送其歸

新月映江出
荒荒生暮烟
一樽同話舊
雙槩獨歸船
後會是何日
相看非少年
家人如問訊
道更健於前

車行數日委頓殊甚感賦二首

溼雲堆絮朔風寒
力疾馳驅欲廢餐
始信在家貧亦樂
此行垂老別尤難
耳中已作兜元國

時患耳鳴劍

外曾經灑灑難
弩末功名復何戀
苦將皮骨試征

鞍

出山又想作清泉此事尋思涕泣然祿不逮親方
自痛飢猶驅我更誰憐老來所幸惟無病歸去何
曾盡有田省識輪蹄行未穩散人家世本宜船

交州與魏春松觀察話別

邀勒征鞭勸客餐翦燈重與話更闌關心爲念行
裝薄扼腕深愁宦海難知我更誰如鮑叔賴君此
地作韋丹狂瀾手障紆籌策珍重金隄別後看

歸自河干深
以隄防爲念

抵京七日卽奉

恩命出守惠州恭紀二首

需次何曾十日留除書卽荷

主恩優王陽馭已回嚴道詹範官仍領惠州敢說
此鄉多寶玉定應無夢到羅浮慎勤還藉清爲本
珍重傳家載石舟

側聞竄海走盧循蜃氣旋消徼外塵已埽餘氛殲

米賊

謂博羅
會匪

可無遠化及鯤人飢寒肯恤寧爲盜緩

急誰先要得民欲報涓埃忘老大江湖忍便乞閒
身

發都門示兒

漸

我到未兩月汝亦長安行汝來我又去骨肉他鄉
輕朔風催征騎班馬蕭蕭鳴言別將萬里執手重
丁寧生世貴自立微幸終無成飢寒豈不苦憂患
所以生哲人能貧賤富貴乃不驚我老未衰髦遠
道時孤征眠餐勿我念期汝崇令名努力從此別
有淚不復傾

送沈郡守

念茲

還蜀兼寄趙成都

秉淵

蠻天我已指郵程君亦騎驢劍外行薄宦豈堪皆
遠道重逢難定是今生各飄老淚臨歧路尚憶清
歌聽錦城憑語故人趙元叔舊時陸賈又南征

丁壻

仁咸

送至江干而別

衰年惟一子遠客又長安宦拙成吾老家貧仗婦
難感君憐別苦相送至江干日暮各分手蕭蕭風
正寒

富陽

峭帆無百里已過浙江西雨氣乘潮健城陰壓岸
低花農歸荷鋪桑女罷添梯我亦行程倦停棹傍
大隄

七里瀨

七里巖陵灘無風行不得愛茲山水佳紆徐亦頗

適明漪澈底清下見太古石夾岸森兩崖倒影蕩
空碧惜惜竹樹香淅淅水雲夕時見炊烟生人家
數峯隔我居浙江西江程只三百勞勞人海中清
景老未覲茲來偶問津征帆猶未息欲訪十九泉
塵襟此洗滌

嚴陵釣臺

西漢之季國不光鼉聲紫色紛奪攘美新大夫始
作備四十餘萬人披猖先生此時早匿跡或偕梅
福同徜徉赤精應運五銖復漢家十世興南陽故
人幸已作天子正宜釋屣登巖廊煙霞若果成痼

疾曷不竟作冥鴻翔羊裘何又示奇服致令物色
來江鄉乃知先生非棄世世道正賴相扶將潔身
長往豈所願特不肯坐雲臺旁懷仁輔義天下悅
此語已足覘匡襄安知足加帝腹日不更披豁傾
剛腸飄然又別故人去桐江一櫂波汪洋溪山大
好足泛宅但厭塵瑩非逃亡卽今州名屬流寓釣
壇兀峙東西望我來維舟日已暮江流浩浩烟蒼
蒼清襟幽抱渺難卽尚想故態非真狂東京節義
最矯矯倡導誰實提其綱高風千古一綸足安用
三千六百鈞廣張

謝皋羽墓

西臺慟哭暮雲昏
遺恨啼鵑咽墓門
窮海攀髯爭殉節
大荒披髮與招魂
飄零戎馬孤身在
感慨河山一劍存
回首六陵風雨夜
冬青搖落不堪論

玉山放舟

路已三衢盡舟仍一葉
浮岸高風怒壓灘
急水爭流聽雨思
良話看山記臥遊
西江從未到又作爪
痕留

鉛山縣追感外大父施淳如公三首

公諱德涵
曾令此邑

南唐此分縣突兀倚雲根
漁聚朝來市沙明郭外

村溪山原大好者舊更無存欲問王喬烏傷心不可論

記昔依慈母設深涕淚頻道曾隨遠宦住此幾經
春親見堂懸鏡時聞甌有塵如何廉吏後家祭亦
無人

七十年前事追尋我獨來鷺巢遺古樹蠹碣沒荒

苔

公作令時晉中有古樟樹白鷺來巢查初自爲作歌紀異又曾
重建鷺湖書院安溪李文貞公爲手書碑記今墨跡尚存余家

身後

名何益人間曲可哀江風催權去憑弔首重回

雨泊黃溪

風緊灘淪急收帆幸未遲江城來聽雨天壁看題

詩濁酒隣船借乾魚晚飯宜夜深寒更甚還覓敝
裘披

鄱陽湖

艨艟環列浪翻空勝國當年樹戰功神鬼蒼茫騰
百怪風雲叱咤走羣雄駭頽枉自推陳涉隆準終
應屬沛公桴鼓無驚逢此日漁歌時出蓼花中

苦竹洲

三峽秋風記昔遊黃陵廟亦駐行舟哀猿冷鴈聽
應慣又泊西江苦竹洲

樟樹鎮王文成公誓師處

飛檄兵兼四郡雄誓師曾此啟元戎難端本不由
鼃錯心學何能累魏公博浪謀曾防遠患中山謗
豈沒奇功豐碑濡染高三丈烜赫爭看聖相同

發萬安縣

嘉名聽亦喜過此卽心驚水與石俱立舟同魚逆
行吉安思去權惶恐怯前程今夜荒灘宿還家夢
不成

大庾嶺謁張文獻公祠

開元曾及盛明時風度長宜結主知誰使玉堂摧
燕羽枉留金鑑絡蛛絲篋中應已恩情絕劍外何

勞異日思終古嶺雲飛不去崇祠瞻拜意俱遲

彈子磯

飛崖瞰荒江怒作鷹瞵惡天風時撼之森然奮拏
攫扁舟出其下側勢向空落竹樹鬱溟濛水石互
噴薄悄景淪幽淵陰森鬼氣錯分明刀劍叢深不
辨鋒鏑還恐虛無根飢蛟眠正著昔聞飛將軍強
弓於此拓斷竹續竹聲一發入寥廓調言渺難窮
日暮暫棲泊眷此山中居境絕忘憂樂

觀音巖

連峯亘虹霓崩崖蹴龍象神工肆鑄劉獐劣非一

狀豈知森羅臺忽現慈悲相異境自何年架厂鑿
層嶂外削絕鉤梯中空覆甕盎羲娥互蔽虧子午
入遠亮穿腹未及背墜石壓頂上自非鐵頭陀誰
能住無恙客帆日如織時來乞靈貺我生快探竒
倚舷得清曠谷風時一鳴泠泠聞梵唱

過湏陽大廟諸峽卽景有感

灘迴峽束水爭喧觸景興懷黯自憐詩思曾窮三
峽外歸心早動十年前那堪萍跡仍飄梗況是霜
痕已著顛行路難兼垂老別爭禁回首不潸然

清遠縣志感二首

先大父曾
令此邑

爲政南邦好先人昔在茲停舟問耆舊
驂蓑憶兒時遺像生前畫殘碑去後思
童孫今亦老回首淚痕滋

自失音容後於今四十年微名猶祖德
孤宦又蠻天落日重過此遺風尚灑然
傳家清節在長念鬱林船

厓門詠古

鯨波嗚咽海雲荒九鼎難憑一葦杭
塊肉有孤遺趙氏愚狐無土屬周疆
銜冤未許填精衛誓死終應勝靖康
倉卒黃袍欺亦甚那知劫又換紅羊

廣州二首

尉佗城闕迴崔巍江抱波羅亦壯哉一雨卽秋衣
屢換萬花如錦夜常開那聞木客吟詩去信有神
羊負穀來剛好荔支餐顆顆尚嫌三月過楊梅

蜃窻蝦箔各爭妍樓閣重重瞰碧川珠貝曉開鮫
客市笙歌夜沸蜃娘船奔鯨燭耀偏宜嬾沈水香
濃欲破禪此去循州風景異可能真作玉堂仙

東坡

惠州詩此邦
宜著玉堂仙

方飯亭

文信國自潮陽移屯海豐方飯五坡嶺兵突至被執
部將劉子俊等死之後人於嶺上建亭有碑勒遺像

不信惠州飯孤臣飽亦難未能歸問道誰與勸加

餐部曲同時盡鬚眉異代看翼然亭影在松栢晝
生寒

平山道中立秋

亂山行盡水爭流鞍背船脣老未休歸計最難惟
作宦病懷乍減又經秋田園涉趣成前夢鼓角驚
心起暮愁聞說邊民猶佩犢可容嘯傲寄滄洲

白鶴觀弔蘇文忠公

白鶴去不返人間尚有公巢痕千古在箕口一生
窮靖節詩頻和華嚴劫未終怱怱徙儋耳回首海
天空

讀蘇文忠公惠州諸詩偶成

愛讀公詩手自編每尋遺跡倍纏綿羅浮風雨峨

嶂月不隔前因七百年

余宦遊川廣
多公遺跡

崔長温

郝紹先

受業白象簡校訂

文風華

顏利

青芙蓉閣詩鈔卷五終

青芙蓉閣詩鈔卷六

桐鄉 陸元鋌 三石

貧甚以詩自勵

作吏將十年宦拙境不珂
甌中時有塵幸未墮地
破茲來領循州髀肉消
鞍馱昨從海豐歸日午飯
未作僮僕知我貧欲語涕
先墮我家本屢空無田
耕黃稷一官食太倉榮寵
分已過瘠民以肥身素
節肯遠挫憂貧亦何爲得
閒且安臥試讀循吏傳
幾人死窮餓

海上四首

混茫一氣接滄波浩浩長風拂艦過橫海勳名從
古大誤人寶玉此鄉多繁華已盡山半識靡曼猶
遺木蠶歌沃壤至今比揚益那容跋浪舞蛟鼉
偃魂蕩虎嘯林皋惡少雕青盡帶刀誰使糗糧齋
寇盜敢憑淵藪作逋逃弄兵欲戢潢池亂聚黨先
除劇孟豪聞道繡衣新拜爵探丸且莫肆搜牢
害及良苗莠必鋤禍由迫脅究何辜已罹虎口魂
先奪欲拔鯨牙膽未麤臨事最難惟一死原情何
忍遽駢誅淋漓莫快如刀筆多少妻孥望眼枯
飛游鼯鼠技俱窮寬大逕邀法外容豈有錦帆終

作賊但銷金甲盡歸農泮林要使音俱草京觀休
將骨還封海國桑麻隨處足好憑生計復流庸

洗夫人祠

銅鼓一聲側貳死作賊如何出女子天恐夫人城
竟顏特遣媮星照青史峩峩錦繖紛飄飄雲輶到
處蠻烟銷四朝賜物歲展拜精誠不隔南天遙貞
觀之初願內附遺訓猶存守如故一言雖勝十萬
師終賴忠貞積有素我來正及班春時金支翠旗
光陸離

高州迎春先在
洗夫人祠行禮

多少兜鍪遜巾幗一樽先酌女

英祠

馬伏波祠

銅柱勲名未可磨，工讒無奈伯孫何。
壺頭豈必謀全失，牀下終嫌禮太苛。
粵國戰功橫海大，漢廷家法寡恩多。
傷心異日雲臺上，畫像猶遺老伏波。

春曉

不覺又成夢，春風能醉人。
微陰花氣潤，薄暖袷衣新。
出谷初啼鳥，鉤簾正及晨。
西疇將有事，辛苦問吾民。

官齋有懷

樹暗桃榔雨，乍晴鷓鴣聲。
裏客心驚青山有約歸。

難卜白髮無情鑷又生苦憶吳農羣望歲早聞粵
海漸消兵流亡未復猶滋媿欲作還家夢不成

榕樹行

老榕倔強蛟龍纏迸裂石罅排雲端初生如葛繼
成樹後乃干繁萬絡枝柯連濃陰廣可蔽十畝龐
幹老或經千年有時樹梢下垂地得氣又復根糾
蟠幸只僻在南荒天聽他雄踞椰葉枕椰間不然
江南尺土盡耕稼得不下占廬舍兼田園人言此
材雖大同散木繩墨不受燒無烟虛有其表罕實
用比諸惡竹應同刪我爲解嘲試取譬庸庸每荷

皇天憐生無困厄，閩何害此材。正以庸而全，不爲
樛棟縱廢棄。要與枳棘殊，荒寒不見道。旁蔭暘日
千萬亦如廣，厦大庇顏俱歡。

病中懷歸

茶聲藥影晝，惜惜思越莊。生欲廢吟將，老病先愁
遠。道有田歸亦負初心車，乘下澤言猶在鴈斷壑。
天信易沈無補蒼生應，自媿鬢毛況已雪霜侵。

解任後自高州回至羊城

蜀國琴絃已倦彈，嶺南又噉荔支丹。吏才似我抽
身晚，宦海從來到岸難。道遠幸無家累在，裝輕仍

作客遊看五湖此去烟波濶擬乞元真舊釣竿

寓大佛寺

花木蕭疎曲徑幽粥魚茶版此淹留詩無人愛惟
呈佛病爲愁添又及秋蹤跡半生成斷梗風濤千
里阻歸舟楫書未讀慙吾老遺橐重披涕淚流

時爲

先人拔
刊遺集

題寺壁

貝葉香清竹影斜睡餘自起煮新茶日長不礙門
常掩那有人來看落花

光孝寺劉鋹鐵塼歌

白虹入殿光蜿蜒僭竊妄擬龍在天目無朱三亦
豪橫海天坐擁百斛珍珠船四傳及張祖家法荒
淫殘刻相差肩外事樊胡子內倚盧瓊仙虛皇詔
下再拜不敢前謂惟宦者無家足信任癡騃若此
何以司朝權此塔紀年自大寶生民時正傷顛連
屠刀未放想作佛似此求福寧非慎塔高二丈積
精鐵其下承以九品青青蓮龔澄樞輦一一列名
姓悉數大半皆中涓當時十國多佞佛塗金成塔
無過婆留錢臨安縣境已盈八十八九廂四壁到
處精誠蠲若令州果改四十阿育王塔何止八萬

有四干閉門天子不若節度使現身說法已結人
天緣百年民不被兵革子孫食報宜綿延錕也世
濟其惡烏能賢却較鴛鴦寺主更得終天年謂爲
佛力然不然傳聞劉龔遺冢至明季雞聲夜出三
重泉土人發之骨已朽寶氣倏忽隨飛烟獨留此
塔屹不壞歷劫幸未淪桑田吾鄉竹垞翁金石窮
搜研手搨其字攜行篋迄今又歷百餘載苔鏽斑
駁難磨鏤山牛兔絲豈足弔功曹故宅且復停吟
鞭風鈴無語夕陽下陰廊藪藪飛紅棉

嶺外歸舟八首

仙峯四百倚天青，笑我無緣訪玉京。
應是新宮銘已就，不教清夢到元卿。

名心耗盡鬢如絲，已定虧成悔亦遲。
此事推袁先

一著收枰不待局殘時。

舟中偶携得小倉山房集藉以過日

夜牀半載被同溫，讀畫評詩意共欣。
惆悵嶺南來

鴈少分飛容易斷秋雲。

博山香雲兩弟時已先歸

溜急灘高放權遲，醉欹烏帽快吟詩。
渭城無復當鑪唱，却笑多錢老餅師。

吉州水與字江通，兩岸霜楓幾樹紅。
絕似垂虹好

秋色夕陽影裏過西濛。

嶺南無霜至吉州始見紅葉

潮上章江暮靄空
舟檣多少浪花中
蒲帆十幅休張滿
我亦曾經遇順風

嚴陵灘水秀而清
暖翠浮嵐夾岸明
自汲寒泉薦秋菊
無官應許拜先生

潁東川北昔遊俱
豐樂亭邊酒載沽

江南潁州四川漢州皆有西湖向俱

遊歷廣東惠州之豐湖亦名西湖

不到湧金門外望
故鄉忘却好西湖

劉松年南宋中興四將圖歌

格天閣起高巍巍
壓日莫挽虞淵頽
中興之功已坐廢
畫圖作此何爲哉
當時一心矢恢復
屈指英雄只韓岳
殺賊不快當擒王
得渡黃河死亦足
順

昌旗幟差足豪劉都護尚驚兒曹鐵山何人羣盜
耳跋鬻敢逐驕駟驍媵娶況復附姦相忍使長城
先自喪殺人媚人厥罪均慙愧堂堂一名將公然
玉佩金兜整假面無乃同伶優亦如高陽繆公禍
唐室竄名房杜登瀛洲是非千載何可掩劉生繪
此失褒貶何如耕織寫民艱無逸豳風共渲染

曾於寧宗朝
進耕織圖

燕雲唾手言非誣獄成三字英魂徂黃

松年

金台鑄將軍像留伴西湖策蹇圖

題王通守

風生

江聲帆影圖二首

江日荒荒下江帆葉葉飛獨憑高閣望隔浦幾人

歸嵐翠落茅屋荻花明釣磯快窮千里目蕭散似
君稀

記索長安米常依御史牀

調野亭先生

琴樽消夜月蝦菜

話江鄉薄宦成離別前遊失老蒼重逢歐叔弼展
畫欲沾裳

除夕泊丹陽城外

去歲高涼郡深宵獨舉觴一官如短夢孤櫂又他
鄉生計貧逾拙流年老自傷家人如問訊今夜宿
丹陽

趙忠毅公鐵如意歌

大鶴翩然下清晝

公登第日主司夢大鶴垂空乃得公卷

啄人但啄人中

獸平時不識張江陵豈復知有崔呈秀四凶未去

臣所患上方請劍誅神姦天門高高虎豹怒代州

遷謫何時還一枝冷鐵尺有五見之凜凜徹肺腑

卽看製者張鼈舂也逐孤臣壽終古廉而不斲君

子操唾壺擊碎何足豪吉祥樓上怒起舞

公謫代府所居小樓

顏曰吉祥

白日欲墮蒼天高惜哉賜環苦不早荷戟先

隨老兵老惟餘此鐵堅不磨片石東方共珍寶要

典三朝黨禍成忠魂地下恨難平遙知北部髡鉗

日猶作西臺痛哭聲

錢太常楷招飲古藤花下酒後作歌

呂家藤花七百年，
馭蔓老作蛟龍纏。
奉常賃屋此間住，
圖史羅列東西偏。
花時招客共遊讌，
長廊曲檻行迴旋。
游絲不動午陰直，
西山爽挹青娥娟。
酒闌話舊忽不懌，
前塵根觸心悁悁。
憶昔禾中盛詞客，
遠山陳萬青雲壑汪加洋爭雄妍。
敬通馮集悟倣儻有奇氣，
懸河辯口驚便便。
文壇掉鞅誰最健，
屈指更數婆留錢蓬山。
芸閣相繼起君亦，
名姓句臚傳我時。
容臺隨畫諾，
下直往往同豪顛。
引杯據案頭盡沒，
醉來欲藉糟邱眠。
唯君酒戶稱最小，
五雲躡跡

招無緣深醇不漏禁近語絲綸閣下羣稱賢年華
變幻逾十載時有清淚流如鉛狂陳後死汪早逝
故人大半歸重泉迅聞小馮君亦歿歌聲淒斷南
湖船頭顛如我亦憔悴一官況復遭迤邐昨從嶺
南至京國逢君快若沈疴捐長安米貴住亦得自
恨凡骨何由仙搖鞭明日背花去蜀國絃聲聽黯

然

時余將有
蜀中之行

將之蜀中留別二弟

元鏞

我年半百餘汝亦五十矣不知老弟兄見面尚有
幾今春我北來汝已在京邸夜雨聽對牀異鄉亦

足喜所苦各困窮而我更顛否得失本無常既失
良可已偶因利欲遷輒爲憂患始欲去將安歸欲
留復何倚刺促賦西征夢落棧雲裏棧中我舊遊
連峯亘千里綫天蔽羲娥壁路爭尺咫年深石亦
枯徃徃不著趾垂堂夙有誠豈宜復蹈此况茲秋
冬交風雪苦行李嗟此愁病軀更屆遲暮齒知當
何時歸得歸亦幸耳此意黯自傷欲言且復止去
去無他詞時寄書一紙勿念遠遊人爲語汝猶子

時翰兒
將至京

鄴中懷古二首

別苑華林樂未央，坐令遺孽搆蕭牆。
破車空自矜牛快，覆轍何曾鑒馬亡。
膏血萬夫然絳燭，弓刀千隊簇紅粧。
珠簾玉壁俱荆棘，枉徙銅駝自洛陽。
盲老公難與國謀，穆提婆豈識軍籌。
百升明月傳蜚語，片石韓陵失故邱。
龍虎運消名將老，琵琶聲斷乞兒愁。
英雄賀六渾何在，日落漳河水自流。

清化鎮訪李同年

三晉

不值

挑燈拌此夕，不遇苦難留。
再見是何日，相思空復愁。
餘生重作客，多病又驚秋。
若與樽前語，還應涕泗流。

陝州道中

驅車函谷關如衝窈而曲積土自太古堅於石犂
确一綫逼兩崖頑陰晝慘躡壁虎氣腥窺井馬
蹄縮力持分寸交由背漸及腹蛇行兼鼈行三日
未出谷迴看雙嶠峯風雨側愁目三川路尚遙我
車已脫輻昔聞河上公結茅此巖麓白雲不可招
何由訪仙躅道德五千言挑燈一再讀

夜宿稠桑驛有感

不是尋殘夢何由見故妻憑誰呼妙子已自慣羈
棲雜樹雨聲碎幽窻燈焰低蕭寥當此夕愁聽汝

南雞

泉鳩里詠古

父欲求神仙子乃事巫覡其事涉渺茫當先返已
責漢武號英主多欲累君德誰實生厲階蠱氣出
宮掖江充本不才況爲趙王客覆轍豈不聞乃反
授以隙是時太子據呼天宜引慝奈何聽狂言戈
矛興肘腋弄兵計已乖拒戰理更逆厥罪固不容
無乃太煎迫縱異扶蘇寃已蹈亡秦跡自非漢祚
長禍變未可測諒哉三老言而猶搜捕亟託以白
頭翁帝乃大感格豈其英武姿終賴鬼神力望思

惜已遲前星渺焉隔可憐本始初惡諡尚隱斥至
今遺址荒更誰爲呵壁

盤豆驛

玉孃湖畔雨初殘思子臺邊夜又闌滿院夕陰人
跡少一天風色鴈聲寒異鄉魂夢宵常警遠道關
河老更難明發華山山下路三峯積雪馬頭看

同州留贈方郡守

載豫 三首

白髮故人盡惟君風貌存翦燈消客夜流涕問師
門

君爲先人丙午
分校所得士

墓草悲寒食楹書付後昆自慙歐叔

彌欲語已聲吞

不作諸侯客曾趨大將臺由來棄繻者真有勒銘
才馬骨行邊健旄頭應鏑摧潼關開四扇記唱凱

歌回

君以軍功
賞戴花翎

老我貧猶病依人倦更遊劉楨時伏枕王粲慣登
樓寄遠憑黃耳耽吟到白頭與君期後會夜雨話

巴州

除夕臥病西安

青門有客涕沾裳倚枕何心更舉觴夢入春場猶
少日聽來歲鼓是他鄉遊秦范叔寒逾甚思越莊
生老自傷燈火蕭寥人臥病一年偏覺此宵長

擁爐

不屑因人熱天寒亦擁爐
盆方添楮柏粟已散肌膚
家室遠難問衣襦貧更無
那能借餘烈分暖到妻孥

棧行雜詩四首

昔我官西川父母時我憶登高與臨深
不敢偶顛踣經今七年餘養堂久岑寂
我衰苦飢驅復此事登陟朝攀猿鳥巢
暮宿虎狼宅時於夢寐中彷彿侍親側
揮淚不復言似憐遠行客嗚呼愛子心
豈以死生隔此行雖艱危加餐尚努力
欲慰泉下魂

忍作溝中瘠

顛崖架枯木，棧閣逾百重。一重復一掩，幻作千億峯。峯峰峯列如劍，岬岬無藏鋒。人於劍脊過，目眩驚魂從。硬翠蝕古壁，深青逗幽宮。饕風雜鬼氣，瘦日稀春容。時垂二分趾，倒蹴千年松。僕行若跛鼃，馬喝如聾蟲。我老見差熟，時亦心神忡。朝天峽尚遠，猶未摩蒼穹。

草頭旋陰風，下馬見人血。洗兵雖有年，土花亦未滅。憶昔構亂初，狼奔更狶突。我時官邛都，民安戍可撤。流亡日萬指，來歸語嗚咽。豈不戀故鄉，不去

安望活隣民卽我民一體復何別既從生處飛忍
令中道絕迄今久承平應各返家室側身行自傷
生還是何日

城門夜吹角言過寧羌州長安日以遠漸近川北
阪敝衣土拉雜破帽風颼颼昔作冠蓋侶今爲干
謁流幸當宦遊日未與民爲讐不然捋鬚錢豈不
猶貽羞故人姚方伯儀情好相綢繆見我應問我
遠道將何求此來不自料欲語先吁嗟輾轉百憂
集翻願遲行輶

秦良玉錦袍歌

宮袍綵繚雲錦新五支韉蹴銀騏驎女中英雄誰
不識一軍爭拜秦夫人夫人之功征播始生年二
十好女子白棓縱橫數十春一心甘爲朝廷死黑
山賊起如蝟毛長驅入蜀妖氛高錦袍七尺怒一
拂狼奔豕竄紛騰逃十盪十決勇無敵兩川倚此
作堅壁斗牛衣賜是何人不死也應媿巾幗惜哉
隻手危難扶扼要誰復知良圖孤城石砭屹不動
通門二九亡成都故宮羅綺今何有玉匣珠襦忍
回首可憐無路請長纓血碎桃花馬亦吼

桃花馬上
請長纓思

陵賜良
玉句也

錦繖西歸鬢已絲尚餘忠勇繫人思試尋舊

篋遺衣在猶見揮刀斷袖時

綿州知州陸遜之按行諸營其
玉冠帶佩刀出見酒數巡遜之

誤或其袖良玉引佩刀
自斷之其嚴深如此

程大令

尚濂

引疾閒居話舊感賦

萬里君還在三年我未歸無官仍作客有淚各沾
衣衰謝憐同病飛揚悟昨非終當問前路浙水有
漁磯

宋徽宗畫鷹

神霄帝子老畫師能畫健翻凌雲姿軒然落紙猛
氣出腥風霍霍毫端馳畫成掛向雪色壁練光一
閃毛髮磔良嶽山前狐兔驕見此應令走辟易此

鳥大者名海青銳頭猛腦鍾竒形自從遼人肆貪
虐兵端遂使開邊庭禽荒示戒畫亦得助金滅遼
太非策授人以隙釀禍階無由再見烏頭白誰爲
首惡京與攸大筆題贊誇銀鉤上有蔡京題贊洛陽鶻啼亂
將作先幾惜不誅鴟咬龍沙萬里寫不足畫譜宜
和豈堪錄乾侯之辱史所羞可憐又畫雙鸚鵡鸚鵡

圖亦徽宗所作

葉恭人歿已三十年矣追悼成詩寄長女純

葆
二首

至今三十載入夢亦迷離暮景行將盡重泉見有

期死生同別苦解脫悔吾遲若使君還在愁應倍
昔時

阿兄失母日涕淚解沾裳弱小尤憐汝從來未識
孃記曾啼襁褓今已奉姑嫜書到不堪讀秋宵況
正長

月夜

愁人偏愛月自起強登樓雲影澹無著池光寒更
流鄉書遲遠道客病逼殘秋還寢索歸夢蟲聲吟
未休

元祐黨籍碑拓本

同文獄起天下哀端禮又見碑崔嵬嗚呼正直天
所與彗星下掃聲如雷當時魔君盜魁柄夜叉笑
面陰謀偕血人於牙互吞噬六賊何者非狼豺遷
流竄逐意未已一網欲使諸賢皆豐碑峩峩籍姦
黨大書深刻森天街人三百九列名姓賢如司馬
爲雄魁是非顛倒任衆喙帝惟拱手云俞哉豈無
徒碑毀碑詔悔過那得同輪臺扶持國本賴士氣
斯文旣喪兵成災江山南渡帝遷播靖康之亂誰
爲階或云禍始衆君子蜀洛朔黨先睽乖遂令小
人得伺隙毀賢侮聖相擠排豈知託名在紹述熙

豐法已成胚胎終之者京始安石亂萌豈得忘根
蓼潭州遷謫死藁葬坐見白骨生青苔僉壬遺臭
復何惜獨惜宋社淪蒿萊履霜冰至禍由漸元氣
已削誰能回不見慶元再禁國旋滅何待白鴈橫
江來

晚過紫蘭村訪白傅故宅二首

曾聞白傅宅近在紫蘭村日暮偶攜杖人家方掩
門斷雲低樹色荒徑沒苔痕欲問歸耕處蕭寥不
可論

憶昔香山老冥冥久避憎隱居歸栗里黨禍免甘

陵醉遣紅樓妓閒依白足僧津梁猶未倦弔古欲
沾膺

隗囂宮筮歌

五均六筮鼂聲囂赤精運起南陽豪漸臺矢集鼎
已復蹇人尚想升天高初時起兵應漢室亦知帝
祚歸金刀西州終始執臣節姓名會見雲臺標縱
橫逐鹿聽瞽說反側遂使中心搖欲爲西伯志已
妄九泥況復詞紛淆井中之蛙豈足恃五郡兵至
羌安逃平時經史讀何益黔布忘却高皇朝事機
一矢盡瓦裂飢餐糗脯空哀磬高臺曲館復何有

僅餘此盃湮蓬蒿摩挲尚憶避暑日離宮歡宴忘
交歎甘瓜朱李列槃案盃乎時亦珍瓊瑤人不足
稱物奚取流傳何事勤緘包周秦彝器亦淪落矧
此脆質非堅牢偶隨玉盃時一出留之適足資譏
嘲豈如河西識天命鐘鳴鼎食功同衰

六盤山

積雪莽無際盤盤行徑微梯空雲作路呵凍酒爲
衣古戍屯兵少危崖立馬稀垂堂曾有戒復此試
征駢

靈武臺歌

梨園曲誤三郎愁妖墓坐使成黃虬漁陽鼓動突
騎至延秋夜半烏聲啾當時禍變縱倉卒定亂豈
得無良謀社稷爲重死亦得不然自將驅貔貅黃
旗一角呼萬歲得不率土皆同仇奈何軍國昧大
計下殿遽作西川遊蛾眉死別慘獨往馬嵬道上
前星留六師統率至靈武奉箋勸進紛嘲啁撫軍
監國古有制豈宜行幄先垂旒卽云事急以權濟
此爲何事寧無尤巴西後命曰太子可知大物由
姦偷始基不正本已失無怪木蠹禾生螯飛龍小
兒意叵測移宮妄欲陳戈矛微將軍爲兵死鬼此

語涕泗猶紛流，牝狐況復肆媒孽。問寢那更來龍樓，忠臣憤切痛至骨。涪翁持論非吹求，荒臺淪沒亦已久。臨朝尚想鏘鳴璆，知人論世懼深刻。責備要豈忘春秋，故人空有李京兆。大筆還思元道州。

同州書院曉起

嶽色落窻几，微風開曉晴。嶺雲含石氣，庭鳥作春聲。艾乏三年蓄，輪期四角生。故鄉好山水，昨夜夢經行。

漫興

元亭寂寞掩藤蘿，炊黍光陰靜裏過。殘客偶來情

話少新詩漫與性靈多自知蹤跡宜邱壑未礙衣
裳雜芰荷一塢白雲眠共穩此心安處卽槃邁

題明皇鬪雞圖

牝雞夜半宮中啼雞坊小兒猶養雞養雞以力亦
以德十日五日容其棲調鉛殺粉誰貌此寒鐵森
森好爪觜唐裝結束伊何人知是賈昌一豎子一
雞鼓翼生英風怒目激射無羣雄一雞側睨若伺
殆欲操勝算先藏鋒神閒氣猛兩無敵至尊顧之
動顏色禽荒卽此亦禍源何必傾城與傾國金雞
步障恩太優老烏遂使啼延秋雨淋鈴夜慘不發

膠膠角角心煩憂乃知藝諫意亦苦作畫分明憶
良輔曲江遷謫姚宋亡袞闕紛紛復誰補君不見
佳鷄忍死藏懷中當時賴有羊鼻公

篋中檢得姚一如方伯舊札感賦二首

舊札從頭讀摩挲倦眼明無多離別語不盡死生
情憶我功名薄依人道路輕感君念疇昔握手爲
吞聲

白髮自言老黃泉今共歸尚餘別時淚記灑故人

衣

戊辰歲重遊蜀中別時君方臥病猶歔歔握手曰歸見錢裴山爲言一
如老矣今方伯已徂謝而裴山中丞亦歸道山言念故人不勝於悵

憂患餘生在交親舊日稀不堪懷袖字棖觸倍依

依

夜坐懷歸

倦眼逢秋夜未眠
鰥鰥愁對一燈懸
昔時小友多新鬼
久客他鄉況暮年
何物澆苓能療疾
幾回鰈菜問歸舡
故園縱得重酣醉
鏡裏衰紅不似前

乞食

米必謝仁祖衣須劉伯擘
硜硜空自守落落竟何成
途到窮方悟心因老漸平
只今行乞食還感主人情

歸途偶成

山裝未辦老蹉跎，重向江關匹馬過。
夢裏還家千里近，客中見月五更多。
久拋官職身如蛻，得遂歸懷鬢已皤。
賸有清淮幾株柳，迎人生意尙婆娑。

題徐茂才夔遺照

鶴跡不可數，松風吹掩扉。
坐深琴亦寂，時有片雲歸。
潭水漾空碧，巖花明夕暉。
披圖重憶舊，老淚欲沾衣。

曉起

曉起理逋髮，冷風露涼苔。
花晴得氣，薤葉靜聞香。
地僻稀殘客，年衰戀故鄉。
無田歸亦好，三徑未

全荒

送三女繪華之菱湖

女爲余繼室鄭恭人所出生有至性言笑不苟因余頻歲遠遊而其母又擇壻至嚴故及笄而猶待聘前年余從陝西歸許字菱湖孫氏是年壻卽中式京兆試不意春闈報罷旋以病亡女聞之卽涕泣不食潛取約指金環吞之一晝夜無所苦復於人靜後投繯自盡幸其姊情好最篤常恐其有不測之變坐臥與偕是夜已憊不能支甫交睫似有人速之

起者急視之後房門已反扣惟聞喘聲如吼
驚呼其兄及婢媪數人力拔其扉乃克解救
而氣已不續踰時始得復甦余於次日自禾
中歸允其歸孫門守節始稍稍進湯水今以
其行也作詩送之據事直書不復論其辭之
工拙也女至孝辛未春其母病亟曾刲臂和
藥以進事後祕不肯語今觀其矢志從一視
死如歸則剜肉療親自更有奮身不顧者也
厥志良足嘉尙而其姊於異母之妹盡心防
護無間晨昏卒能援其妹於垂絕之時俾得

成其守貞大志其摯愛亦可風已

我生有三女一存而一歿次三曰繪華待字尙在

室前年關中歸絲蘿爲締結孫郎名樹模

後改名杓
中式癸酉

順天才大不受紕果於是年秋名經列千佛竚看

春榜開歸諧百年吉豈知事角張一病遽奄忽計

來不使聞旋已知之悉亟毀平時粧水漿擯不啜

私與阿姊言我志已早決未嫁女死夫往弔服衰

經二斬古所譏如何不從一此義繫綱常此心炳

日月語罷不成聲伏枕泣幽咽姊云志固佳無乃

太激烈阿耶垂白年眼昏足蹙躑聆此慘痛語得

不膽俱裂聞言中心摧沉吟口銜闕生死誠兩難
不如早決絕誰知鐵石腸至剛不能折沉沉約指
金吞之若無物苦心作變計七尺練光潔意此寡
女絲足以了孱質維時剛四更燈昏月已沒姊於
睡夢中微聞聲窸窣急呼婢媪起閤門已反閉入幸
不緩須臾驚魂定倉卒不然縊女蟲泉路去飄瞥
我時客禾中得信猶恍惚言歸急登堂老眼淚先
溢相見反無言不忍復致詰馳書達汝翁苦衷爲
具述翁云此大義志在曷可奪卽今乙亥年四月
日廿七迎歸未亡人以全不字節今將送汝行憂

來不可輟憶汝母在時愛汝不離膝及汝方長成
母病已軀脆與姊語移時說汝尤切切謂汝已及
笄未曾得良匹父兄俱遠行我死更孤子我有嫁
時衣歲久尙扃鐻待汝妹有家料量補其缺此語
不數年于歸忽有日可憐縞素衣慘澹淚凝血汝
母若有知幽恨復誰說姆教汝素嫻無庸述瑣屑
汝翁及汝姑年俱屆耄耋哭子涕未乾見汝應痛
徹汝往善承歡勿使憂懨懨汝叔有佳兒已解弄
紙筆爲汝作承祧撫孤力當竭送汝臨阿干觀者
語啾唧誰省骨肉間肺腑痛難割空堂晝愔愔還

坐如有失汝姊久不歸明日又當別

哭大女

純葆

適丁

學博仁咸

昨送寡女行別淚尚盈矧豈期兩月餘鬼伯之汝
促我自來由拳猶未越旬朔汝兄忽書來道汝中
暑毒諉蘇以解之定可卽康復浸尋數日間更番
字累幅曰病頗支離時翻而時覆醫來議論多或
逞臆見獨旣作火牛攻復爲水犀伏陰陽互受侵
精氣日以蹙我知生路窮尙冀回光矚今晨怪鴟
鳴嗚呼續已屬聞汝彌留時欲絕氣又續似傷我
不歸再見杳難卜

彌留時呼嘉興者再殆以
余在禾中不能一訣也

以汝意纏絲添

我涕淋漓欲歸一憑棺腰脚困躑躅含悲鬱難言
兀坐面仰屋自汝賦于歸舅姑恩誼渥旁及娣姒
間小姑及幼叔雍睦罔勿敦不專亦不躋性復愛
觀書頗亦志卓犖吟咏雖未嫺寸管常在握所惜
氣體羸頻年乏嗣育側生兆多男崢嶸見頭角恩
勤弗岐視教養每兼督凡茲居室儀皆云婦賢淑
我於壬戌春日歸自蠻濮屈指爲別年星霜十有
六相見雜悲歡顧我鬢已禿忽忽逾三年我又苦
奔逐初作嶺海行繼由燕入蜀轉徙至關隴萬里
走匍匐當我遠游時兄亦去邦族繼母忽又亡貧

難措手足汝於豐嗇間一一籌已熟勿貽生者悲
死亦感心曲前年我方歸日不給饘粥汝亦時來
家哽噎必親祝知我食指繁從不帶婢僕習勞出
天性不肯偶退縮凡我所欲爲先意已洞燭卽如
今夏初汝妹遇尤酷吞金及投繯命已迫鬼錄非
汝力護持百身更誰贖今汝去何之幽明路綿邈
我老淚眼枯痛定復悵觸緬汝生之初母卽病牀
禱女爲葉恭人所出甫
及半歲卽痛母下瀕死汝不知索乳淚簌簌自茲數
十年不識娘面目向非大父母昔育恐育鞠嗟此
失母雛早付土一掬婆娑白髮魂愛護定猶篤黃

東坡先生詩集卷六
三
泉若相見應訝汝來速此情想當然思之腸轉轂
痛汝復痛親長歌以當哭

夙志二首

夙志嗜巖壑養拙南山岑渺焉發遐想一撫枯桐
琴尋聲杳無際孤懷相與深得意不自解遑復求
知音知音良獨難改絃非我心

茅屋八九間有水復有竹冷風吹我扉藹然見新
綠興來具雞黍得飽睡亦熟身爲太平民無事以
爲福鄉里稱善人此願良已足

閆文炳

受業李 漣校訂

上官海琳

青芙蓉閣詩鈔卷六